

## **Ilinniartitsisussanik ilinniartitsineq katersuutsitaq pillugu Namminersornerullutik Oqartussat nalunaarutaat nr. 19, 31. juli 2000-imeersoq Atussimasooq (Historisk)**

Meeqqat atuarfianni ilinniartitsisussanik ilinniartitsineq pillugu Inatsisartut peqqussutaanni nr. 2-mi ulloq 2. maj 1996-imeersumi § 14, imm. 5 aamma § 15 tunngavigalugit aalajangersarneqarput:

### **Kapitali 1.**

#### *Ilinniartitsinerup siunertaa*

§ 1. Ilinniartitsisussanik ilinniartitsinermi siunertarineqarpoq meeqqat atuarfianni ilinniartitsisussanik ilinniartitsinissaq aamma meeqqanut, inuusuttunut inersimasunullu inuussutissarsiutinik ilinniartitsinissamut sunngiffimmilu atuartitsinermi ilinniartitsinissamut tunngaviliinissaq, tak. meeqqat atuarfianni ilinniartitsisussanik ilinniartitsineq pillugu Inatsisartut peqqussutaanni nr. 2-mi 2. maj 1996-imeersumi § 1, imm. 1.

*Imm. 2.* Ilinniartitsisussanik ilinniartitsineq atuartitsissutitigut perorsaaniikkullu paasisaqartitsissaaq sungiusaataassalluni ilinniartitsisutut sulinerup isumagineqarnissaanut pisariaqartumik, aammalu ilinniartut inuttut ineriartornerannik siunnerfeqarluni sulissuteqassalluni, tak. meeqqat atuarfianni ilinniartitsisussanik ilinniartitsineq pillugu Inatsisartut peqqussutaanni nr. 2-mi, 2. maj 1996-imeersumi § 1, imm. 2.

### **Kapitali 2.**

#### *Ilinniarterup imaa*

#### *Ilinniarterup aqqissuusaanera*

§ 2. Ilinniarneq ukiunik sisamanik sivilissusiligaavoq semesterinilu arfineq-pingasuni ingerlanneqartassalluni.

§ 3. Ukioq atuartitsiviusooq aggustip aallaqqaataaniit juulip 31-ianut sivilissususeqarpoq.

§ 4. Semesterit immikkoortortalersorneqassapput sapaatip-akunnerinik soqutigisanik ataatsimoorussilluni ingerlassaqarfinnik, suliamik misiliivinnik, kursuserfinnik aamma soraarummeerfinnik. Pilersaarussiaq taanna, pilersaarusiamik allannagortinneqarsinnaasumik taaneqartartoq, rektorimit ukiut tamaasa kingusinnerpaamik aggustip aallaqqaataani nassiunneqartassaaq Ilinniartitaanermut Pisortaqaarfimmi akuertinniarlugu.

*Imm. 2.* Semesterini lektionit atuartitsinermi atorneqartussat, tiimit agguanneqarnerannut pilersaarummik taaneqartoq, Ilinniartitaanermut Pisortaqaarfimmi akuereqqaarneqartussanngorlugu rektorimit ukiut tamaasa kingusinnerpaamik aggustip aallaqqaataani nassiunneqartassaaq.

§ 5. Atuartitsissutiniq neqeroorutigineqarsinnaasunik annerusumik sammisassanik (liniefag), atuartitsissutiniq toqqagassanik aammalu atuartitsissutiniq neqeroorutigineqarsinnaasunik pilersitsinissamut piumasarineqarpoq ilinniartut ikinnerpaamik tallimat nalunaarsimanissaat, taamaattorli pissutsit immikkut ittut tamanna ajornartingippassuk ilinniartitaanermi tassani rektorip tamanna saneqqunneqassasoq immikkut akuersissutigisinnaavaa.

*Imm. 2.* Atuaqatigiit ilinniartut nalunaarsimasut qassiuneri tunngavigalugit avinneqartarnissaat kattunneqartarnissaallu pillugu maleruagassat ilinniarnep aaqqissuussaaneerani aalajangersarneqassapput.

### *Ilinniarnep ilinniagassat aaqqissuussaaneerat*

§ 6. Ilinniarfissuup ilinniartitaaneq aaqqissuutissavaa, minnerpaamik makkuninnga imaqartussaq

1) atuartitsissutit ataasiakkaat, kursusit, ullut suliamik misiliivissat, naammassiniagaqarluni suliasat kiisalu suliasat tunniutassat, nalunaarusiat specialillu imassaannik soraarummeerutissartaannullu ilitsersuutiniq kiisalu tamakkua ilinniarnep ingerlanerani qanoq inissinneqarnerinik,

2) misilitsilluni allaaseralugit suliat, nalunaarusiat specialillu tunniunneqartarnissaat pillugu maleruagassanik, tamatumunnga ilanngullugu ilinniartut ataasiakkaarlutik suleqatigiikkuutaarlutilluunniit tunniussisinnaanersut / tunniussisassanersut,

3) ilinniarnep ingerlanerani misilitsittarnissat allaaserinerannik kiisalu tamakkua ilinniarnep ingerlanerani qanoq inissinneqarnerinik,

4) misilitsinnerit qanoq iluseqartarnerisa allaaserinerannik,

5) takussutissamik misilitsinnepni suni karakteriliisoqartarneranut, aamma misilitsinnepni suni naliliisoqartarnerisooq "angusivoq", "angusinnigilaq", imaluunniit "akuerineqarpoq" "akuerineqanngilaq" atorlugit naliliisoqartarnerisooq,

6) "angusivoq"/"angusinnigilaq" aamma "akuerineqarpoq"/"akuerineqanngilaq" atorlugit nali-liinepni pissutaasunut ilaasartunik, ilanngullugit tamakkuninnga naliliissagaanni pissutaanerisartut,

7) iliuutsit suut suliffimmi misiliinermik naliliinissami suliffimmi misiliiffiusumut ingerlasussat erseqqissarneri, tak. § 51, imm. 2.

8) napparsimalluni soraarummeertarnissanik misilitseqqittarnissanillu,

9) atuaqatigiit ilinniartut nalunaarsimasut qassiuneri tunngavigalugit avinneqartarnissaat kattunneqartarnissaallu pillugit maleruagassanik aamma

10) takkuttarnissanut malittarisassat kiisalu ilinniagaqartut ilinniagaqarfinit anisitaanissaannut piumasaqaatit

*Imm. 2.* Ilinniarnep aaqqissuunnerata Ilinniarfissuaq ilinniarnep aaqqissuunnerani aalajangersakkanik sanioqqutsisissinnaalersinnaavaa.

*Imm. 3.* Ilinniarnep aaqqissuunnera Ilinniartitaanermut Pisortaqarfiup akueriqqaagassaraa.

*Imm. 4.* Ilinniagassat aaqqissuussaaneerat allannguutaallu annertunerisut ukiup ilinniarfiusup aallartinnerani atortuulertassapput.

**§ 7.** Atuartitsinermi peqataanissaq pisussaaffiuvoq.

*Imm. 2.* Ilinniartitaanermut Pisortaqarfiup rektorip siunnersuuteqarnera malillugu atuaqataasussaannermut pisussaataitanermik aalajangersakkap sanioqqukkallarnejarnissaa akuerisinnaavaa. Sanioqqutsisinnaaneq akuerineqarsinnaavoq atuartitsissutinik annerusumik sammisassanik ilinniarnernup ukiuini kingullerni marlunni aamma misiliinermut imaluunniit ilinniarnermik ineriartortitsiniarnermut ilagitillugu. Tamatumunnga peqatigitillugu misiliinerup sivisussusissaa nalunaarusiornerullu qanoq iluseqarnissaa aalajangersarneqassapput.

**§ 8.** Semesterip tullianut ingerlaqqinnissaq taamaallaat pisinnaavoq atuartitsinermi peqataasarneq, nalunaarsorneqartartoq, suliamik tunniussaqtarneq kiisalu ilinniakkanik aallussineq ilinniartitsisoqatigiinnit akuerineqarsimappata.

*Imm. 2.* Ukiup aappaanut ingerlaqqissagaanni piumasarineqarportaaq misilitsinnermi, pin-ngortitanut tunngasunut mernguernartunullu naliliunneqarsimappat "angusivoq", tak. § 47, imm. 1, nr. 4 aamma nr. 7.

*Imm. 3.* Suliamik misiliinerit angusiffigineqarsimassapput, ilinniagaqartoq ilinniarnernup sinnerani peqataasinnaassappat.

### **Kapitali 3.**

#### *Atuartitsissutit aaqqissuussaanerat*

**§ 9.** Atuartitsissutini pinngitsoorani ilinniartariaqartuni lektionit ima amerlassuseqarput.

- |  |                |
|--|----------------|
| 1) Atuartitsissutit perorsaanermut tunngasut, immikkut ilinniagaq ilanngullugu | lektionit 560. |
| 2) Kalaallit oqaasii, ataatsimoorussassaq                                      | lektionit 280. |
| 3) Pinngortitalerinermit tunngasut   | lektionit 56.  |
| 4) Ilinniartitsissutit paasissutissiiviusut                                    | lektionit 224. |
| 5) Kristumiussuseq   | lektionit 56.  |
| 6) Mernguernartut I  | lektionit 112. |
| 7) Danskit oqaasii (killiffik 1)   | lektionit 112. |
| 8) Tuluit oqaasii (killiffik 1)  | lektionit 112. |
| 9) Kisitsineq/matematik (killiffik 1)  | lektionit 112. |

*Imm. 2.* Atuartitsissutit toqqagassat ilusilersuineq, illumi suliasat, assassorneq / ammerineq, timersorneq, erinarsorneq/nipilersorneq aamma sananeq neqeroorutigineqassapput atuartitsissutit tamaasa immikkut 168-inik lektioneqartillugit. Atuartitsissutit toqqagassat danskit oqaasii, tuluit oqaasii, kisitsineq /matematik aamma fysik/kemii neqeroorutigineqassapput atuartitsissutit tamaasa 112-inik lektionilerlugit.

*Imm. 3.* Atuartitsissutit annerusumik sammisassat neqeroorutigineqassapput atuartitsissutit tamaasa immikkut 280-inik lektionilerlugit.

*Imm. 4.* Atuartitsissutit neqeroorutigineqarsinnaasut neqeroorutigineqassapput atuartitsissutit tamaasa immikkut 56-inik lektionilerlugit.

*Imm. 5.* Atuarfinni suliamik misiliineq aaqqissuunneqassaaq sapaatit akunnerini 14-ini sapaatip akunneranut katillugit 20-nik lektioneqartillugu, ilinniarfigisamilu suliamik misiliineq aaqqissuunneqassaaq sap. akunnerini sisamani atuartitsissutit tamaasa sap. akunneranut sisamanik lektioneqartillugit, kiisalu atuartitsinerni periutsinut, atuartitsissummut ataatsimut lektionit 16-it naatsorsuullugit. Pikkortissarfiusussat sap. ak. arfineq pingasut sap. akunneranut lektioninik 30-nik imallit pilersaarusiorneqassapput.

*Imm. 6.* Lektioni ataaseq tassaavoq minutsini 45-ni atuartitsivik.

*Imm. 7.* Pissutsit immikkut ittut tamanna ajornartinnigippassuk imm. 1-5-imi aalajangersakkat atuutinnginnissat Ilinniartitaanermut Pisorta qarfiup immikkut akuersissutigisinnaavaa.

**§ 10.** Ilinniartitsissut toqqagassaaq aamma ilinniartitsissut annerusumik sammisassaaq taakkuninnga atuartitsilernissaaq sioqqullugu ilinniartumit toqqarneqassapput. Atuartitsissutinik allanngortitsisoqassappat tamanna pissaaq atuartitsinerup aallartinnerata kingornagut kingusinnerpaamik sap. akunneri sisamat qaangiutsinnagit.

*Imm. 2.* Atuartitsissut neqeroorutigineqarsinnaasoq atuartitsissummik taassuminnga atuartitsinissap aallartinnissaa sioqqullugu toqqarneqassaaq.

**§ 11.** Ilinniartitaanermut Pisorta qarfiup, pissutsit immikkut ittut pisariaqartippassuk, ilinniartoq atuartitsissutini § 9-mi taaneqartuni ataatsimik arlalinnilluunniit malinninnginnissaanut immikkut akuerisinnaavaa.

**§ 12.** Atuartitsissutinik annerusumik sammisassanik danskit oqaasiinik, tuluit oqaasiinik, kisitsinermik/matematikimik aamma fysik/kemiimik ilinniartussatut tiguneqarnissamut piumasarineqarpoq atuartitsissutini taaneqartuni kingullermik atuarfigisami semesterit sisamaanni minnerpaamik 6-imik karakteereqarsimanissaaq.

*Imm. 2.* Taamaattorli atuartitsissutini annerusumik sammisassani ilinniartussatut tiguneqarneq pisinnaavoq, atuartitsissummik ilinniartitsisoq semesterip aappaata naanerani isumaqarpat ilinniartoq atuartitsissummi tassani naammaginarluartumik angusaqarsimasooq.

## **Kapitali 4.**

### *Atuartitsissutit ataasiakkaat siunertaat*

#### *Atuartitsissutit pinngitsoorani ilinniartariaqartut*

**§ 13.** Atuartitsissutit perorsaanermut/ilinniartitsinermut tunngasut siunertaraat ilinniartut atu-artitsissummik suliaqarnerminni inuttut ineriartornerannik siuarsaanissaaq, ilinniartullu ilisimasaqalernissaat aamma paasisimasaqarnerujartorlutillu piginnaanngoriartornerunissaat

- 1) perorsaanermi/ilinniartitsinermi tarnillu pissusiinik ilisimaqqaagassanik (teoriinik) atuinissamut,
- 2) ilinniartitsisutut suliamik, sulinermi atugarisanik aamma ilinniarnepup ingerlannerani avataanilu

periarfissanik paasiniaanissamut nalilersuisarnissamullu,

3) ilaqtariinnermi, atuarfimmi inuiaqatigiinnilu pissutsit allanngorarneranni meeqqanik inuusuttunillu atuartitsinermik allaaserinninnissamut, pilersaarusiortarnissamut, aaqqissuisarnissamut aamma nalilersuisarnissamut,

4) ilinniartitaaneq perorsaanerlu pillugit apeqqutinut tunngavilimmik isummertarnissamut,

5) atuarfimmi sungiusarfimmik suleqateqarluni atuartumut atuaqatigiinnullu siunertalimmik ilitsersuisarnissamut,

6) atuaqatigiinnik, suleqatinik, angajoqqaanik, atuarfimmik isumaginninnermilu oqartussaasunik suleqateqartarnissamut aamma

7) perorsaanermik, atuartitsinermik ilinniartitaanermillu ineriartortitsinermut nutaanngorsaanermullu ikiunnissamut.

*Imm. 2.* Ukiut ilinniarfiusut sisamassaanni perorsaanikkut immikkut sammisamik ilinniagaqartut suliaqartinneqassapput. Immikkut sammisakkut tassuuna siunertarineqarpoq ilinniagaqartut immikkut sammisamik namminersorlutik suliaqarnertik aqqutigalugu ilinniartitaanerup perorsaanikkut, tarnip pissusiinut inooqatigiinnermullu tunngasutigut imarisai pillugit itinerusumik paasisimasaqalernissaat, atuartitsinermi sulinermilu periutsinut suliamillu misiliinermut ataqatigiissaagaasumik.

**§ 14.** Kaalaallit oqaasiinik ataatsimoorutassanik, tuluit oqaasiinik danskillu oqaasiinik ilinniartitsinermi siunertaavoq ilinniartut semesterit suillianni aappaannilu atuartitsissutinik assigiin-ngitsunik suliaqarnertik tunngavigalugu:

1) Oqaatsinik nalinginnaasumik ilisimasaqalernissaat oqaatsillu pingasut taakku assigiissutaannik assigiinngissutaannillu ilisimasaqalernissaat.

2) Oqaatsinik atuartitsinerup tunngaviusumik suussusiinik paasisimasaqalernissaat.

3) Oqalulluni allallunilu oqaatsinik atuinermi ilisimaqqaagassanut pisinnaasaqalernissaat.

**§ 15.** Kalaallit oqaasiinik ataatsimoorutassanik semesterip pingajuani sisamaanilu meeqqat atuarfianni ilinniartitsinermi siunertaavoq ilinniartut ilinniarnepur ingerlanerani pinngitsoorani peqataaffigisassami atuartitsinissamut pikkorissarnissaat makkununga pisinnaalernermikkut:

1) Oqaatiginnittarnermik allaatiginnittarnermillu sungiusarnikkut atuartitsissummik ilinniartitsinermi periaatsinut allanngorartunut.

2) Oqaasertanik allanngorartunik paasiniaasarnikkut misissuinikkullu allanneqaqqaarfiinik nutsikkanillu paasinninnissamut.

3) Atuakkatigut oqaatsinillu atuinermut sungiusarnikkut oqaatsit qanoq katitigaallutillu atorneqartarnerannik ilisimasaqarlualernermut.

4) Oqaatsinik ilisimasaqalernissamut taamalu paasisaqarnissamut atuartitsissutip atuarfimmi inuiaqatigiinnilu immikkut ittumik inissisimaneranut.

5) Nammineerluni oqaatsit allallu oqaasiisut ilinniartitsinissamut pisinnaassuseqarlernermut.

6) Atuartitsissummik ilinniartitsinermi iluaqusersuutinik ilisimasaqalernermut.

7) Atuartitsissutip atuartitsissutiginerani periaasissanik paasisimasaqalernermut.

**§ 16.** Atuartitsissummi kisitsineq/matematikimi siunertaasoq tassaavoq ilinniartut:

1) Matematikimut tunngasunik nalinginnaasunik paasinninnissamut ilisimasatigut pillaqqissutsikkullu tunngavissaqalernissaat.

- 2) Atuartitsissutip atuartitsissutinut allanut tunngasutigut inuiaqatigiinnilu atorpeqartarneranut ilisimasaqalernissaat suliassanillu tamakkunanga pisunik inerlugit suliaqarsinnaalernissaat.
- 3) Matematikup inuit ataasiakkaat ineriartornerannut sunniuteqarsinnaaneramik paasinninnissaat.

**§ 17.** Atuartitsissummik pinngortitanut tunngasumik ilinniartitsinermi siunertaavoq ilinniartut uumasulerinermik, nunalerutinik, fysikimik kemiimillu tunngaveqartumik ilinniartitaanikkut

- 1) Pinngortitamut nalinginnaasumik paasinninnissamut ilisimasatigut pillaqqissutsikkullu tunngavissaqalersinniarnissaat.
- 2) Pinngortitaaq pillugu isummanik assigiinngitsunik paasisimasaqalersinniarnissaat.
- 3) Pinngortitami uumasumi uumaatsumilu nukiiit, allanngoriartortarnerit, sananeqaatit nunarsuullu ukiup ingerlanerani allanngorarnerisa imminnut ataqatigiinnerannik paasisimasaqalersinnissaat.
- 4) Inuussutissarsiutit, teknikip, nioqqutissiornerup avatangiisillu, tamakkununga ilanngullugit soqutigisat assigiinngitsut pinngortitap inuiaqatigiillu ineriartornerannut atasut, imminnut ataqatigiinnerannik paasisimasaqalersinnissaat.
- 5) Pinngortitamik laboratoriani atuartitsissutit periaasiinik ikiuutissaannillu atuinikkut misissuinermut pikkorissarnissaat.

**§ 18.** Atuartitsissutini paasissutissiiviusuni siunertarineqarpoq ilinniartut uumassusulerinermik, nunalerutinik, nalerput pillugu ilisimasassanik nassuiaanermik oqaluttuarisaanermillu tunngaveqartumik ilinniartitaanikkut meeqqat atuarfianni ilinniarnepup ingerlanerani pinngitsoorani peqataaffigisassami atuartitsinissamut pikkorissarnissaat

- 1) Pinngortitanut, inunnut tunngasunut aamma inuiaqatigiinnut tunngasutigut oqaluuserisassatut toqqakkat oqaluuserineqartarnissaanni atuarsimanikkut tunngavissaqalernissamut piginnaangornissamullu.
- 2) Atuartitsissutinik tamakkuninnga atuartitsissutinillu allanik atuartitsinermi atortussanut tamakkualu qanoq atornissaannut.
- 3) Atuartitsissutini aalajangersimasuni atuartitsinermi periaatsinik paasisimasaqalernissamut atuartitsinerullu aqqissuunnissaanut ingerlanneqarneranullu tunngavissaqarlualernissamut.

**§ 19.** Kristumiussutsumik atuartitsissummi siunertarineqarpoq ilinniartut meeqqat atuarfianni atuarnerup ingerlanerani pinngitsoorani peqataaffigisassami atuartitsinissamut pikkorissarnissaat

- 1) Testamentitoqqamut pingaartumillu Testamentitaamut tunngasunik oqaluuserisassatut toq-qakkat oqaluuserineqartarnissaanni atuarsimanikkut tunngavissaqalernissamut piginnaan-ngornissamullu.
- 2) Atuartitsissutit taakkua immiut ilisarilersitsisinnaanerannik paasinninnissamut kiisalu atuartitsissutit taakkua piorsarsimassutsikkut inuiaqatigiinnermullu pingaarutaannik ilisimasaqalernissamut.
- 3) Atuartitsissutip atuartitsissutiginnissaanut atortussanik atuartitsissutigineranilu periaatsinik kiisalu atuartitsissutinut tunngasutigut periaaseqarnikkullu ilisimalluagassanik ilisimasaqalernissamut.

**§ 20.** Mernguernartut I-imik atuartitsissummi siunertarineqarpoq ilinniartut ilusilersuinermik, timersornermik, nipilersornermik, assassornermik aamma/imaluunniit. sanaassanik suliaqarneq aallaavigalugit

- 1) Kusanartuliornermut tunngasunik paasisimasaqalernissaat.
- 2) Meeqqat atuarfianni atuartitsissutinik allanik atuartitsinermi suleriaatsinik

pilersitsissutaasinnaasunik atuinissamut pillaqqissunngornissaat.

3) Isiginnaagassianik (aliikkutaanerunngitsunik) suliaqartarnissamut tunngavissaqalersinnissaat.

4) Ilinniarnermi ingerlatassat ilaattut assassornikkut allatigullu suliaqarsinnaanermut meeqqap pisariaqartitaanik paasisimasaqalersinnissaat.

### *Atuartitsissutit qinigassat*

**§ 21.** Danskít oqaasiinik atuartitsissummi (killiffik 2) siunertarineqarpoq ilinniartut ilinniarnerp inglerlanerani meeqqat atuarfianni pinngitsoorani peqataaffigisassami atuartitsinissamut pikkorissarnissaat makkununga:

1) Danskít oqaasiinik oqalunnermi allannermilu atorneqartunik paasinnilluarsinnaalernissamut namminerlu oqaatsinik taakkuninnga ajunngitsunik oqalussinnaalernissaannut allassinnaalernissaannullu.

2) Danskít oqaasiinik kiisalu danskisut naqitaasunik naqitaanngitsunillu oqaasilerisinnaalernissamut naliliisinnaalernissamullu.

3) Atuartitsissutip suleriaasiinut ilinniagassartaasigut atuartitsissutigeriarnissaannilu eqqarsaatigilluagassartaanut paasisimasaqalernissamut.

**§ 22.** Tuluit oqaasiinik atuartitsissummi (killiffik 2) siunertarineqarpoq ilinniartut ilinniarnerp inglerlanerani meeqqat atuarfianni pinngitsoorani peqataaffigisassami atuartitsinissamut pikkorissarnissaat makkununga:

1) Tuluit oqaasiinik oqalunnermi allannermilu atorneqartunik paasinnilluarsinnaalernissamut namminerlu oqaatsinik taakkuninnga ajunngitsunik oqalussinnaalernissaannut allassinnaalernissaannullu.

2) Tuluit oqaasiinik kiisalu tuluttut naqitaasunik naqitaanngitsunillu oqaasilerisinnaalernissamut naliliisinnaalernissamullu.

3) Nunarsuarmi tuluit oqaasiinik atuiffiusuni porsarsimassutsimut inuiaqatigiillu inuunerannut tunngasunik ilisimasaqalernissamut.

4) Atuartitsissutip ikiuutaanik, suleriaasiinik atuartitsissutigeriarnissaannilu eqqarsaatigilluagassartaannik pigiliussilluarnissamut.

**§ 23.** Kisitsineq/matematikimik atuartitsissummi (killiffik 2) siunertarineqarpoq ilinniartut ilinniarnerp inglerlanerani meeqqat atuarfianni pinngitsoorani peqataaffigisassami atuartitsinissamut pikkorissarnissaat

1) atuartitsissutip tunngaviusunik taamaattuusorisaaneramik (teoriivinik), suussusiinik suleriaasiinillu paasisimasaqalernikkut.

2) Matematikimik ilinniarnermi isummanik assigiinngitsunik matematikkimillu ilisimasassanik pigiliussinissaq pillugu isummanik ilisimasaqalernikkut.

3) Atuartitsissutip imaasa, suleriaatsit suussutsillu matematikimut tunngasut tapersersoqatigiittarnerannik nalilersuilluarsinnaalernikkut.

4) Atuartitsissutip atuartitsissutiginissaanut atortussanik tamakkulu atorlugit atuartitsinermi periaatsinik ilisimasaqalernikkut.

**§ 24.** Fysik/kemiimik atuartitsissummi siunertarineqarpoq ilinniartut ilinniarnep ingerlanerani pinngitsoorani peqataaffigisassami atuartitsinissamut pikkorissarnissaat

- 1) Atuartitsissutip tunngaviusumik taamaattuusorisaaernerik, suussusiinik suleriaasiinillu ili-simasaqalernikkut.
- 2) Sammisassanik fysikimut kemiimullu tunngasunik ilisimasaqalernikkut.
- 3) Atuartitsissutip perorsaanermt/ilinniartitsinermt tunngasutigut periarfissaanik, atuartitsissutigeriarnissaa eqqarsaatigilluagassanik ilaqartussanik, paasisimasaqalernikkut.

**§ 25.** Ilusilersuinermt atuartitsissummi siunertarineqarpoq ilinniartut, ilinniarnep ingerlanerani pinngitsoorani peqataaffigisassami atuartitsinissaq siunertaralugu, aamma atuartitsissutip atuarfimmi suliat nalinginnaasut suliarineqarneranni atornissaa eqqarsaatigalugit, makkuninnga ilikkartinnissaat:

- 1) Ilinniagassat assigiinngitsut pillugit tunngaviusumik ilisimasassanik.
- 2) Atuartitsinissamut pilersaarusiormermt, atuartitsinermt ingerlatsinermt nalilersuinermtillu.
- 3) Marlunnik pingasunillu sammivilinnik ilusilersuisinnaanermt aammalu ilusilersuinermt piginnaalikkat oqaatiginiakkatut nalunaarutitullu atorneqarsinnaanerannik.
- 4) Atuartitsissutip atuarfimmi perorsaanermt tunngatillugu periarfissaanik.

**§ 26.** Illumi suliassanik atuartitsissummi siunertarineqarpoq ilinniartut makkuninnga ilikkartinnissaat:

- 1) Atuartitsinissamut pilersaarusiormermt, atuartitsinermt ingerlatsinermt nalilersuinermtillu.
- 2) Atuartitsissutip sammisassartaasa iluanni suliassanik suliarinnissinnaanermt tunngavissaasutigullu ilisimasassanik.
- 3) Nerisassat inuusutissaqarlartut eqqiluisaarluarnerullu pingaassusiinik paasinninnermt.
- 4) Atuartitsissutip perorsaanermt tunngasutigut periarfissaanik.

**§ 27.** Assasormermt/ammerinermt atuartitsissummi siunertarineqarpoq ilinniartut makkuninnga ilikkartinnissaat:

- 1) Suliassanik suliarinnissinnaalernermt aamma ilinniagassat assigiinngitsut pillugit tunngaviusumik ilisimasassanik.
- 2) Atuartitsinissamut pilersaarusiormermt, atuartitsinermt ingerlatsinermt nalilersuinermtillu.
- 3) Atuartitsissutip perorsaanermt tunngasutigut periarfissaanik.

**§ 28.** Timersormermt atuartitsissummi siunertarineqarpoq ilinniartut makkuninnga ilikkartinnissaat:

- 1) Atuartut timikkut, anersaakkut inooqataassutsikkullu ineriartornissaat pingaartillugu suliniutinik suliarinnissinnaalernermt aamma tunngavissaasutigut ilisimasassanik.
- 2) Atuartitsissutip perorsaataasinnaanermt atuartitsissummilu suleriaasissanik kiisalu timersormermt atuartitsissutip atuartitsissutiginnissaanut pilersaarusiormermt, atuartitsinermt ingerlatsinermt nalilersuinermtillu.
- 3) Atuartitsissutip atuarfimmi inuiaqatigiinnilu sulissutigeqqinnissaanut soqutiginninnermt kajumissuseqarnissamillu, tamakkulu aqqutigalugit atuartunik timersormermt soqutiginnittuaannartunngortitsiniarnissamik.

**§ 29.** Erinarsormermt/nipilersormermt atuartitsissummi siunertarineqarpoq ilinniartut erinarsorneq nipilersuutinillu atuneq aqqutigalugit makkuninnga ilikkartinnissaat:

- 1) Nipilersormermt tunngasutigut paasisimasassanik.



- 2) Tunngavissaasutigut teknikimullu tunngasutigut ilisimasassanik.
- 3) Atuartitsissutip atuartitsissutiginerani periaasissanik.

**§ 30.** Sananermik atuartitsissummi siunertarineqarpoq ilinniartut makkuninnga ilikkarnissaat:

- 1) Assassorluni sulinermi suleriaatsinik, aamma misilittagaqalernissaat kiisalu nutaanik pilersitsisinnaanerminnik sananermullu pisinnaassutsiminnik ineriartortitsisinnaanermik.
- 2) Suleriaatsitigut ilinniartitsinermilu ilisimasassanik.
- 3) Assassorluni sulinermik nuannarisaqarnermik.
- 4) Nammineersinnaanermik oqattaarisarnikkullu paasiniaasarnermik.

*Atuartitsissutit annerusumik sammisassat*

**§ 31.** Kalaallit oqaasiinik atuartitsissummi siunertarineqarpoq ilinniartut:

- 1) Atassuteqaqatigiittarnermut tunngasutigut suliaqarsinnaalernissaat.
- 2) Kalaallit oqaasii atorlugit suliaqarsinnaalernissaat.
- 3) Sulinermi kalaallisut atuakkianik atuisinnaalernissaat..
- 4) Allanit ikiorneqarnatik oqalullutik allallutillu oqaatiginiakkaminnik oqaatiginnilluarsinnaalernissaat.
- 5) Inuit oqaasiinik atuakkiaannillu ilisimasaqalersinnissaat.
- 6) Atuartitsissutip atuartitsissutiginerani periaasissanik paasisimasaqalernissaat, tamatumunnga ilanngullugu allamiut oqaasiinik ilisimasaqalernissaat, taamaalillutik atuartitsissummik atuartitsisinnaaleqqullugit ilinniarnepup ingerlanera tamakkerlugu.

**§ 32.** Danskit oqaasiinik atuartitsissummi siunertarineqarpoq ilinniartut:

- 1) Atassuteqaqatigiittarnerit assigiinngitsut ilusaannik namminneerlutik suliarinnissinnaalerlutillu nalilersuisinnaalernissaat.
- 2) Atuartitsissutip piorsarsimassutsit inooqatigiinnermullu tunngasut ataqatigiinneranni inissisimaneramik paasinninnissaat.
- 3) Allanit ikiorneqarnatik oqalullutik allallutillu oqaatiginiakkaminnik oqaatiginnilluarsinnaalernissaat.
- 4) Atuartitsissutip atuartitsissutiginerani periaasissanik paasisimasaqalernissaat, taamaalillutik ilinniartut atuartitsissummik atuartitsisinnaaleqqullugit ilinniarnepup ingerlanera tamakkerlugu.

**§ 33.** Tuluit oqaasiinik atuartitsissummi siunertarineqarpoq ilinniartut:

- 1) Sammisassat assigiinngitsut iluanni atassuteqaqatigiittarnerit assigiinngitsut ilusiinik namminneerlutik paasiniaaqqissaarsinnaalerlutillu nalilersuisinnaalernissaat.
- 2) Oqalullutik allallutillu oqaatiginiakkaminnik oqaatiginnilluarsinnaalernissaat.
- 3) Tuluttut oqaluttartut piorsarsimassusianni pingaarutilinnut assigiinngitsunut ilisimasaqalernissaat.
- 4) Atuartitsissutip atuartitsissutiginerani periaasissanik paasisimasaqalernissaat, taamaalillutik atuartitsissummik atuartitsisinnaaleqqullugit meeqqat atuarfianni klassini tamani.

**§ 34.** Kisitsinermik/matematikimik atuartitsissummi siunertarineqarpoq ilinniartut:

- 1) Matematikimut tunngasutigut ilisimasariaqartunik pingaarnernik aamma matematikip perorsaanerlutik/ilinniartitsinermut tunngasortaanik ima annertutigisumik paasisimasaqalernissaat, ilisimasariaqartut tamakku imminnut tapersersoqatigiilersillugit imminnullu paasinarsaaqatigiilersillugit.

Sammisassanik suleriaasissanillu qinersineq tunngaveqartinneqassaaq meeqqat atuarfianni atuartitsissummik taassuminnga atuartitsinermik atuartitsissutillu taassuma oqallisigineqartarneranik.

2) Atuartitsissutip aqqissuussaananerani eqqarsarsinnaassutsimillu atuinissamik ilisimasaqalersinnissaat.

3) Matematikimik paasisimasaqalernissamut matematikimilli paasinnittarnernik assigiinngitsunik ilisimasaqalernissaat, tamatumunnga ilanngullugu matematikimi paasisimasariallit imaasa suliarineqartarnerisalu tapersersoqatigiittarnerat pillugu apeqqutinik namminneerlutik paasiniaaqqissaarsinnaalernissaat isummerfiginnittarsinnaalernissaallu.

4) Atuartitsissutip atuartitsissutiginerani periaasissanik paasisimasaqalernissaat, taamaalillutik ilinniartut regningimik/matematikimik atuartitsisinnaaleqqullugit ilinniarnepur ingerlanerani tamarmi.

**§ 35.** Fysik/kemiimik atuartitsissummi siunertarineqarpoq ilinniartut:

1) Sammineqarsinnaasunik immikkut toqqakkanik, inuiaqatigiinnermut ullutsinni pingaaruteqartunik paasisimasaqalernissaat.

2) Fysikimi kemiimilu tunngaviusumik isummiussanik, paasisimasarialinnik suleriaatsinillu paasisimasaqalernissaat.

3) Misileraalluni sulisinnaangornissaat sulianillu nalilersuisinnaangornissaat, kiisalu tamakkuninnga suliaqarnermi isumannaallisaanermut avatangiisinullu tunngasutigut ajornartorsiutaasartunik ilisimasaqalernissaat.

4) Atuartitsissutip atuartitsissutiginerani periaasissanik paasisimasaqalernissaat, taamaalillutik atuartitsissummik taassuminnga atuartitsisinnaaleqqullugit ilinniarnepur ingerlanerani ta-marmi.

**§ 36.** Nunalerutinik atuartitsissummi siunertarineqarpoq ilinniartut:

1) Nunap sananeqaataanut tunngasunik ilisimasaqalernissaat kiisalu ilinniagassanik nunanut aamma inuit taakkualu suliarisartagaannut tunngasunik, inuit nunarsuup ilaani assigiinngitsuniittut atugarisaannik paasiniaalluarnerusalernissamut tunngavissaqalersitsisussanik, nunat assigiinngitsut atassuteqatigiittarnerannut kiisalu pisuussutit, nioqqutissiornerup avatangiisillu nunani ataasiakkaani nunanilu assigiinngitsorpassuarni imminnut ataqatigiinnerannut tunngasunik paasisimasaqalernissaat.

2) Atuartitsissutip qangaaniilli nunanik allanik ilisimasaqalissutissatut inuiaqatigiillu akornanni paaseqatigiissutaalissutissatut atortuuneranik nalinginnaasumillu ilisimasaqalissutaasinnaananerani paasisimasaqalernissaat.

3) Atuartitsissummi najoqqutassaqarfinnik sanileriissitsisarnikkut avatangiisinillu inunnit pilersitaanngitsunik aamma piorsarsimassutsip pilersitaanik misissuisarnikkut paasiniaalluarsinnaalernissaat nunanik assigiinngitsunik tamakkunanilu ajornartorsiutaalersartunik.

4) Atuartitsissutip atuartitsissutiginerani periaasissanik paasisimasaqalernissaat.

**§ 37.** Uumassusilerinermik atuartitsissummi siunertarineqarpoq ilinniartut:

1) Sammineqarsinnaasunik immikkut toqqakkanik ullumikkut pingaaruteqartunik paasisimasaqalernissaat.

2) Uumassusilerinermi isummiussanik, paasisimasarialinnik suleriaatsinillu paasisimasaqalernissaat.

3) Misileraalluni sulisinnaangornissaat sulianillu nalilersuisinnaangornissaat, kiisalu tamakkuninnga suliaqarnermi isumannaallisaanermut avatangiisinullu tunngasutigut ajornartorsiutaalersartunik ilisimasaqalernissaat.

4) Atuartitsissutip atuartitsissutiginerani periaasissanik paasisimasaqalernissaat, taamaalillutik atuartitsissummik taassuminnga atuartitsisinnaaleqqullugit ilinniarnep ingerlanerani tamarmi.

**§ 38.** Oqaluttuarisaanermik atuartitsissummi siunertarineqarpoq ilinniartut:

- 1) Oqaluttuarisaanermik atuartitsissutillu taassuma immikkut issusianik ilisimasaqalerlutillu paasisaqarnissaat atuartitsissutillu atuartitsissutiginerani suleriaatsinik paasisimasaqalernissaat.
- 2) Ukiut ullullu, inuiaat nunallu assigiinngitsut, inuiaqatigiinni pissutsit piorsarsimassutsimullu tungasut pillugit assigiinngitsunik arlalinnik Kalaallit Nunaanni pissutsit pingaarnertullugit suliaqartarnikkut ilisimasaqalerlutik paasinninnissaat.
- 3) Oqaluttuarisaanermi allaaserineqartut pillugit apersuilluarsinnaalernissaat tungaveqartumillu akissutinik isumasisinnaalernissaat.
- 4) Atuartitsissutip atuartitsissutiginerani periaasissanik paasisimasaqalernissaat.

**§ 39.** Atuartitsissummi inuiaqatigiilerinermi siunertarineqarpoq ilinniartut:

- 1) Inuiaqatigiinni kalaallini inuiaqatigiinnilu allani inooqatigiinnermut, aningaasarsiornermut naalackersuinermullu tungasunik paasisimasaqalernissaat kiisalu paasiniaasarnissaat ta-makkununga tunuliaqutaasunik.
- 2) Ilisimasaqalernissaat inuiaqatigiinni pissutsinik, tamakkununga ilanngullugit nunatsinni nunanilu allani naalackersuinikkut periaatsinik aqqissuussaanernillu, taamaalillutik soqutigisat isummallu tunuliaqutaasut tungavigalugit inuiaqatigiinni oqallinnermik paasiniaaqqissaarsinnaaleqqullugit nalilersuisarsinnaaleqqullugillu.
- 3) Sammisamut ilisimatuutut isummiussinikkut ajornartorsiutaalersartunut aalajangersimasumik ilisimatuutut isummiussanik tungavissaqalernissaat.
- 4) Atuartitsissutip atuartitsissutiginerani periaasissanik paasisimasaqalernissaat.

**§ 40.** Upperisarsiornermik atuartitsissummi siunertarineqarpoq ilinniartut:

- 1) Kristumiussutsimik kiisalu upperisarsiornermik inuunermillu paasinneriaatsinik allanik ilinniarnikkut atuartitsissutip piorsarsimassutsimi qangarsuarli isumaasartuni assigiinngitsuni inissisimaneramik paasinninnissaat.
- 2) Atuartitsissutip periaasiinik atuilluarsinnaalernissaat naliliisinnaallualernissaallu kiisalu ilinniartitsissutiginnissaani eqqarsaatigilluagassanik suliaqarluarsinnaalernissaat.
- 3) Atuartitsissutip perorsaanikkut periarfissarisaanik atugassarisaanillu paasinninnissaat, taa-maalillutik ilinniartut kristumiussutsimut tungasuni ilisimasassanik atuartitsisinnaaleqqullugit ilinniarnep ingerlanerani tamarmi.

*Atuartitsissutip neqeroorutigineqarsinnaasut*

**§ 41.** Atuartitsissutinik neqeroorutigineqarsinnaasunik ilinniartitsinerami ilaatigut siunertarineqarpoq sammisassani immikkut ittuni itisilerisitsiniarsinnaalersitsinissaq, ilaatigullu atuartitsissutinik atuartitsissutigisaviit avataanniittunik suliaqarsinnaanissaq.

*Imm. 2.* Atuartitsissummik neqeroorutigineqarsinnaasumik atuartitsilernissaq sioqqullugu atuartitsissummi siunertarisassat imassallu nassuiarneqqaassapput.

## *Suliamik misiliineq*

§ 42. Atuartitsinermik misiliinerup siunertaraa ilinniartut:

- 1) Ilinniartitsisup suliarisartagaanik tamanik paasisimasaqalernissaat, taamaalillutik atuartut, angajoqqaat atuarfimmilu sulisut allat peqatigalugit Kalaallit Nunaanni meeqqat atuarfiini tamani atuartitsinermik assigiinngisitaartumik ingerlatsisinnaaleqqullugit.
- 2) Ilinniartitsisup suliaasaanik ullut tamaasa nalliuttartunik allanngorartartunillu misissuisarnermik, paasiniaaqqissaartarnermik paasisaminnillu isummerfiginnittarnissamut sungiusarneqarnissaat.
- 3) Pissusiviusut tunggavigalugit atuartitsinermik taamatullu ilinniartitsisup suliaasaanik allanik ajunngitsumik aaqqissuussisinnaalerlutillu, ingerlatsisinnaalerlutillu nalilersuisinnaalernissaat kisimiillutik aammalu allanik suleqateqarlutik.

## **Kapitali 5.**

### *Ilinniarnermi misilitsinnerit*

#### *Ilinniarnermi misilitsinnerit siunertaat*

§ 43. Ilinniarnermi misilitsinnerit siunertaraat paasiniassallugu ilinniartup angusimasai ilinniartitaanermi siunertanut piumasarisanullu peqqussummi, Nalunaarummi uani aamma ilinniarnerup aaqqissuunnerani il.il. aalajangersakkanut naapertuunnersut. Misilitsinnerni angusineq tunggaviliisuusaaq inissummik soraarummeernerup allagartaata atsiorneqarnissaanut.

#### *Ilinniarfimmi avataanilu misilitsinnerit nassuiagaanerat*

§ 44. Misilitsinnerit ilinniarfimmi avataanilu misilitsinnerupput.

*Imm. 2.* Ilinniarfimmi misilitsinnerit tassaapput misilitsinnerit nalilerneqartut soraarummeersitsisumit ataatsimit imaluunniit soraarummeersitsisunit arlalinnit.

*Imm. 3.* Avataani misilitsinnerit tassaapput misilitsinnerit nalilerneqartut soraarummeersitsisumit imaluunniit soraarummeersitsisunit aamma nalileeqaatasartumit ataatsimit arlalinnilluunniit Ilinniartitaanermut Pisortaqarfimmit toqqagaasunit.

#### *Avataaniit allattariarsorluni misilitsinnerit*

§ 45. Avataaniit allattariarsorluni misilitsissutissat Ilinniartitaanermut Pisortaqarfimmit suliarineqartassapput.

*Imm. 2.* Misilitsinnerit soraarummeertunut tamanut assigiissapput.

*Imm. 3.* Soraarummeerutissatut siunnersuutit, tamakkununga ilanngullugit ikiutissatut aku-erisassat, soraarummeerutissalioratoqatigiinnit suliarineqartassapput. Soraarummeerutissalioratoqatigiit tamarnik Ilinniartitaanermut Pisortaqarfimmit tamakkulerisartunngortinneqartassapput ukiuni pingasuni atuuttussatut.

*Imm. 4.* Misilitsinnerni nakkutilliisoqartassaaq.

*Imm. 5.* Ilinniarneq naammassippat ilinniartup akissutimi imminut tunniunneqarnissaat piumasarisinnaavaa.

#### *Avataaniit oqaluttariarsorluni misilitsinnerit*

**§ 46.** Soraarummeersitsinermi apersuineq ingerlanneqassaaq ilinniartitsisumit imaluunniit ilinniartitsisunit atuartitsissummi atuartitsisuusimasumit/atuartitsisuusimasunit. Apersuineq sapinngisamik soraarummeersitsisumik soraarummeertumillu oqaloqatigiissitsiniarussaaq nalilee qataasussap peqataaffigisinnaasaanik. Allaatigissat ilinniartup atuartitsissummik soraarummeerutissamik suliaqartarsimaneranut uppersarsaataasunut amerlanerulissutaasinnaasut soraarummeertumut apersuinermi ilanngunneqarsinnaapput.

*Imm. 2.* Soraarummeernermi apeqqudit soraarummeertunut makitsissutigitinneqartassapput. Ilinniagaqartup misilitsinnginnermini toqqarsimasaa allagarlu pingaarnersiugaq ilinniartitsisumik akuerineqarsimasoq aallavigalugu apeqquqartoqarsinnaavoq. Soraarummeertussallu allaatigisimasaasa arlaat sammineqassappat taanna apersuinermut tunngaviussaaq.

*Imm. 3.* Nalilee qataasooq soraarummeerner milu apersuisuusoq karakteriliinissami kisimiissapput. Soraarummeertoq karakteriliinerup kingornagut karakteriliunneqartumut pissutaasumik naatumik oqaatsit atorlugit ilisimatinneqarsinnaavoq.

*Imm. 4.* Ilinniartoq piareersarfissaqartitaappat, piareersarnera nakkutigisaassaaq.

*Imm. 5.* Oqaluttarissanik misilitsinnerit tamanut ammapput.

#### *Misilitsinnerit naliliinerillu*

**§ 47.** Atuartitsissutit §§ 13-20 naapertorlugit pinngitsoorani ilinniartariaqartut misilitsinnerit naliliinerillu makku imaraat:

- 1) Atuartitsissutit perorsaannermut/atuartitsinermut tunngasut: Ukiut ilinniarfiusut pingajuat naggaserneqassaaq oqaluttariarsorluni ilinniarfiup avataani misilitsinnermik, aallaaveqartumik allallugu nalunaarusiamik ukiut ilinniarfiusut pingajuanni suliarineqartumik. Oqaluttuarinninneq allallugulu nalunaarusiaq ataatsimut nalilerneqassapput. Ukiut ilinniarfiusut sisamaanni oqaluttariarsornermik ilinniarfiup avataani misiliisoqassaaq, aallaaveqartumik perorsaannermut tunngasumik specialimik, ataatsimullu nalilerneqassallutik.
- 2) Danskit oqaasii aamma tuluit oqaasii (killiffik 1): Atuartitsissutit naggataarnerini ta-mani angusimasanut karakteriliisoqartassaaq. Angusimasanut karakterit ilinniarfimmi atortuupput § 64-ilu naapertorlugu ilanngullugit naatsorsuutigineqartussaananik.
- 3) Kalaallit oqaasiinik atuartitsissut ukiup aappaani ataatsimoorutassaaq: Atuartitsissut naggataarneqassaaq oqaluttariarsorluni ilinniarfiup avataani misilitsinnermik aamma allattariarsorluni ilinniarfiup avataani misilitsinnermik. Misilitsinnerit tamarmik assigiimmik oqimaalutarneqartassapput, ataatsimullu nalilerneqartassallutik.
- 4) Atuartitsissut pinngortitamut tunngasooq: Atuartitsissut tip inaarneqarnerani misilitsinneq nalilerneqassaaq "angusivoq" imaluunniit "angusinnigilaq" atorlugit, ilinniagassamik

ilinniartitseriaatsimik periutsinillu paasisimasaqarnermik tunuliaqutaqartumik naliliisoqarluni.

5) Atuartitsissut paasisutissiiviusoq: Atuartitsissutip inaarneqarnerani angusimasanut karakteriliisoqassaaq ilinniartup suliai, ilisimaqqaagassanik ilisimasai aamma atuartitsissummik ilinniartitsinermi periaatsinik iliuuserisartakkanillu paasisimasai tunngavigalugit.

6) Kristumiussuseq: Atuartitsissutip inaarneqarnerani nalilernerqartassaaq "akuerineqarpoq" imaluunniit "akuerineqanngilaq" atorlugit. Naliliineq ilinniartup eqqarsaatikkuinnaq ilisimasaanik kiisalu suliassanut ataasiakkaanut naliliinera tunngavigalugu pisassaaq.

7) Mernguernartut I: Atuartitsissutip inaarneqarnerani misilitsinneq nalilernerqassaaq "angusivoq" imaluunniit "angusinngilaq" atorlugit. Naliliineq ilinniartup kisimiilluni suleriaatsinik atorluaaneramik ataatsimoorussaqaarnermilu peqataassuseqaarneranik tunngavilimmik ingerlanneqartassaaq.

8) Kisitsineq/matematik (killiffik 1): Atuartitsissut inaarneqassaaq angusimasanut karakteriliinermik. Angusimasanut karakteri ilinniarfimiinnaq atortuuvoq ilanngunneqartussaannanilu § 64 naapertorlugu.

*Imm. 2.* Pissutsit immikkut ittut tamanna ajornartinngippassuk imaluunniit ilinniartitaanerup ineriartortinneqarneranut ilaatillugu imm. 1-imi aalajangersakkat atuutsinneqannginnissaat Ilinnartitaanermut Pisortaqaarfiup immikkut akuersissutigisinnaavaa.

**§ 48.** Atuartitsissutit §§ 21-30 naapertorlugit qinigassat misilitsinnerit naliliinerillu makku imaraat:

1) Danskit oqaasii (killiffik 2) aamma kisitsineq/matematik (killiffik 2): Atuartitsissutit tamarmik naggaserneqassapput ilinniarfiup avataani misilitsinnermik. Misilitsinneq oqaluttariarsorneruvoq allattariarsornerullunilu, nalilernerqassappullu ataatsimut karakterimik.

2) Tuluq oqaasii (killiffik 2): Atuartitsissut taanna naggaserneqassaaq ilinniarfiup avataani misilitsinnermik ataatsimik marlunnilluunniit, atuartitsissullu tamatigut oqaluttariarsornermik naggaserneqartussanngorlugu pilersaarusioreqartassalluni.

3) Fysik/kemii: Atuartitsissut taanna naggaserneqassaaq ilinniarfiup avataani oqaluttariarsorluni misilitsinnermik, nalilernerqartussamik karakterimik ataatsimik.

4) Ilusilersuineq aamma assasorneq/ammerineq: Atuartitsissutit tamarmik naggataarnerini angusimasanut karakteriliisoqassaaq ilinniartup suliaanik, ilisimaqqaagassanik ilisimasaanik aamma atuartitseriaatsinik atuartitsissutigineranilu ilikkartitseriaatsinik ilisimasaanik naliliineq tunngavigalugu.

5) Timersorneq, erinarsorneq/nipilersorneq sananerlu: Atuartitsissutit tamarmik naggataarnerini angusimasanut karakteriliisoqassaaq ilinniartup pillaqqissusianik, ilisimaqqaagassanik ilisimasaanik aamma atuartitseriaatsinik atuartitsissutigineranilu ilikkartitseriaatsinik ilisimasaanik naliliineq tunngavigalugu.

6) Illumi suliassat: Atuartitsissutip naggataarnerani angusimasanut karakteriliisoqassaaq ilin-niartup nalunaarusiaanik, pillaqqissusianik aammalu atuartitseriaatsinik atuartitsissutigineranilu ilikkartitseriaatsinik ilisimasaanik naliliineq tunngavigalugu.

*Imm. 2.* Pissutsit immikkut ittut tamanna ajornartinngippassuk imaluunniit ilinniartitaanerup ineriartortinneqarneranut ilaatillugu imm. 1-imi aalajangersakkat atuutsinneqannginnissaat Ilinniartitaanermut Pisortaqaarfiup immikkut akuersissutigisinnaavaa.

**§ 49.** Atuartitsissutit §§ 31-40 naapertorlugit annerusumik sammisassat misilitsinnerit naliliinerillu makku imaraat:

1) Kalaallit, danskit tuluillu oqaasii aamma kisitsineq/matematik: Atuartitsissutit tamarmik

naggaserneqassapput ilinniarfiup avataani misilitsinnermik. Misilitsinneq oqaluttariarsornerullunilu allattariarsorneruvoq, misilitsinnerillu nalilerneqassapput ataatsimut karakterimik.

Oqaluttariarsornermi misilitsissutaassapput apeqqutit, ilaatigut sammisamiittut ilaatigullu allallugu nalunaarusiamiittut.

2) Fysik/kemii: Atuartitsissut naggaserneqassaaq fysikimi ilinniarfiup avataani oqaluttariarsorluni misilitsinnermik aamma kemiimi ilinniarfiup avataani oqaluttariarsorluni misilitsinnermik.

Misilitsinnerit assigiimmik oqimaalutarneqassapput nalilerneqassallutillu ataatsimut karakterimik.

3) Nunalerutit, uumassusilerineq, oqaluttuarisaaneq, inuiaqatigiilerineq upperisarsiornerlu:

Atuartitsissutit tamarmik naggaserneqassapput ilinniarfiup avataani oqaluttariarsorluni misilitsinnermik, kiisalu allattariarsorluni misilitsinnermik Misilitsinnerit ataatsimut karakteriliilluni nalilerneqassapput.

*Imm. 2.* Pissutsit immikkut ittut tamanna ajornartinnigippassuk imaluunniit ilinniartitaanerup ineriartortinneqarneranut ilaatillugu imm. 1-imi aalajangersakkat atuutsinneqannginnissaat Ilin-nartitaanermut Pisortaqarfiup immikkut akuersissutigisinnaavaa.

**§ 50.** Ilinniartup tapiutitut pikkorissarnermi atuartitsissummilu neqeroorutigineqarsinnaasumi peqataanera nalilerneqassaaq "akuerineqarpoq" imaluunniit "akuerineqanngilaq" atorlugit.

**§ 51.** Piffissat suliamik misiliiviusut tamarmik ilinniartup nalilerneqarneranik naggaserneqartassapput. Naliliineq suliamik misiliivimmit Ilinniarfissuarmut tunniunneqartassapput. Piffissanik suliamik misiliiviusunik ataasiakkaanik suliamik misiliivimmit naliliineq tunuliaqutaralugu Ilinniarfissuaq ataatsimut "angusivoq" imaluunniit "angusinngilaq" atorlugu naliliisassaaq.

*Imm. 2.* "Angusivoq" imaluunniit "angusinngilaq" atorlugu naliliinissamut piumasaqaatit ilin-niarnermi aaqqissuussinnermi aalajangersarneqartassapput. Aammattaaq suliamik misiliiviit ilinniartunik naliliinerinut suut ilanngunneqartassanersut aalajangersarneqartassapput.

#### *Ilinniarnermi misilitsinnerni peqataajumanermik nalunaarneq piumasarineqartullu*

**§ 52.** Ilinniarnermi pinngitsoorani ingerlassimasassami nalunaarneq pissaaq ilinniarnissamut tiguneqarsimaneq tunngavigalugu.

*Imm. 2.* Atuartitsissutini toqqagassani, atuartitsissutini annerusumik sammisassani aamma atuartitsissutini neqeroorutigineqarsinnaasumi nalunaarneq pissaaq atuartitsissutininut taakkununnga tiguneqarsimaneq tunngavigalugu.

**§ 53.** Ilinniakkanik aallussineq nalunaarsorneqassaaq atuartitsinnermi aamma suliamik tunniussaqaarnermi peqataanertut, ilinniartitsisoqatigiinnillu akuerineqaaqqaassalluni ilinniartuq atuartitsissutini ataasiakkaani misilitsinnerni peqataasinnaalertinnagu.

#### *Misilitseqqinniarneq*

**§ 54.** Ilinniartuq atuartitsissutini 6 inorlugu karakteereqarfigisamini misilitseqqinniartarsinnaavoq.

*Imm. 2.* Ilinniartuq atuartitsissummi taannaasumi marloriaannarluni misilitseqqinniartarsinnaavoq.

*Imm. 3.* Misilitseqqinniernerup ilinniartuq pisinnaatissavaa atuartitsissummi misilitsinnissami tullermi peqataanissaanut. Semesterit arfineq-pingajuanni naggataarutaasumik misilitsinnissami misilitseqqinniernerup ilinniartuq pisinnaatissavaa ukiumi tassani aggustimi misilitsinnissami peqataanissaanut.

*Imm. 4.* Ilinniartuq atuartitsissummi taannaasumi ataasiaannarani naggataarutaasumik misilitsissimappat karakteri angusaasoq annerpaaq atortuussaaq.

*Imm. 5.* Ilinniartitaanermut Pisortaqarfik immikkut ittunik pissutissaqartillugu imm. 1-4-mi aalajangersakkat sanioqqunnissaannut immikkut akuersissuteqarsinnaavoq.

**§ 55.** Ilinniartunut nappaammik imaluunniit taamatut atuannginermik uppersaateqartumik imaluunniit nakorsamit allagarserneqartumik pissuteqarlutik misilitsissimangitsunut immikkut ittumik misiliisoqartassaaq, tamanna Ilinniartitaanermut Pisortaqarfiup aalajangersimappagu, taamaattorli misiliineq taanna atuartitsissummi tassani tullianik misiliisoqalerpat kingusinnerpaamik pisussanngorlugu.

**§ 56.** Ilinniartuq misilitsinnissamut takkutinngippat, peqataannginnissanilu ilisimatitsissutigisimangippagu misilitsinneq angusiffiunngitsutut isigineqassaaq.

#### *Soraarummeerutissat soraarummeernermilu apeqqutit*

**§ 57.** Soraarummeerutissaq tassaavoq soraarummeerut ilinniartut atuartitsissutini ataasiakkaani misilitsinneranni apersuinissamut tunngaviusussaq. Soraarummeerutissaq ilinniartitsisup imaluunniit ilinniartitsisut atuartitsissummik soraarummeerutissamik atuartitsisimasup/atuartitsisimasut ilinniartuq oqaloqatigeqqaarlugu toqqassavaa / toqqassavaat.

*Imm. 2.* Soraarummeernermi apeqqutissat tassaapput apeqqutit apersuinermt tunngavigisassat. Soraarummeernermi apeqqutissat allattorlugit suliarineqassapput ilinniartitsisumit imaluunniit ilinniartitsisunit atuartitsissummik soraarummeerutissamik atuartitsisimasumit / atuartitsisimasunit.

*Imm. 3.* Soraarummeernermi soraarummeertussap allallugu suliaasa ilaannik apersuisoqassappat, allallugu suliaq taanna apersuinermi aamma tunngavigineqassaaq.

**§ 58.** Soraarummeerutissaq soraarummeernermilu apeqqutissat nalilee qataasussamut akueritinniarlugit saqqummiunneqassapput kingusinnerpaamik misilitsinnissat / misilitsinnissaq sap. ak. sisamanik sioqqullugu.

*Imm. 2.* Soraarummeerutissanut apeqqutissanullu oqaaseqaatit nassiunneqassapput taakku tighnerinit ullut arfineq-marluk qaanngiutsinnagit. Ullut taakku naaneranni Ilinniarfissuaq oqaaseqaatinik tigusaqarsimangippat soraarummeerutissat soraarummeernermilu apeqqutissat nalilee qataasussamit akuerineqarsimasutut isigineqassapput.

*Imm. 3.* Soraarummeertussap allaatigisaa apersuinissamut tunngaviusussaappat, tak. § 57, imm. 3, allaatigisaa taanna misissoqqullugu nalilee qataasussamut nassiunneqassaaq kingusinnerpaamik misilitsinnissaq sap. ak. sisamanik sioqqullugu.



§ 59. Nalileeqataasussat toqqarneqassapput Ilinniartitaanermut Pisortaqarfimmitt. Nalileeqataasartussat peqataasassapput atuartitsissutini tamani, ilinniarfiup avataani misilitsiffigineqartuni.

§ 60. Nalileeqataasartut nakkutigissavaat:

- 1) ilinniarnermi misilitsinnerni, aamma allallugit suliaqarnerni, piumasarisat siunertanut peqqussummi, Nalunaarutini aamma ilinniarnep aqqissuunnerani aalajangerneqartunut naapertuunersut,
- 2) misilitsinnerit ingerlanneqartarnissaat malittarisassat atortuusut naapertorlugit aamma
- 3) ilinniartut assigiimmik eqqortumillu pineqarnissaat, aamma suliaasa tatiginartumik nalilerneqarnissaat karakteriliisarneq pillugu malittarisassat naapertorlugit.

#### *Misilitsinnerni pissusissaanngitsunik iliornerit*

§ 61. Ilinniartitaanermut rektori ilinniarnermi misilitsinnerit tamakku pillugit maleruagassat aalajangersarneqartut naapertorlugit ingerlanneqarnissaannut akisussaavoq.

*Imm. 2.* Misilitsinnerit ingerlanneqarneranni pissusissaanngitsumik iliornerit piaartumik Ilin-niartitaanermut Pisortaqarfimmitt nalunaarutigineqartassapput.

*Imm. 3.* Ilinniartitaanermut Pisortaqarfik Ilinniarfissuarmi misilitsittarnerit ingerlanneqartarnerat pillugu malittarisassaliorsinnaavoq.

§ 62. Ilinniartitaanermut rektorip misilitsittoq misilitsinnermit peeqqusinnaavaa:

- 1) Soraarummeertoq taanna taamaalioqqusaanani allanit ikiorneqarsimappat, iluaqusersuutini akuerisaanngitsunik atuisimappat imaluunniit allap suliaa ilumoorani nammineq suliarinerarpagu.
- 2) Soraarummeertoq taamaalioqqusaanani misilitsinnermi allanik ikiuisimappat imaluunniit ikiuiniaraluarsimappat.

*Imm. 2.* Taamaattorli misilitsinnerup ingerlanerani peeqqusinissamut tunngavissaqarsorinaraluartoq Ilinniarfissuup soraarummeertoq misilitsinnerani ingerlaannaqqusinnaavaa. Misiliineq naammassiniariapat ilinniartitaanermut rektorip aalajangissavaa misilitsinnermit peeqquisoqassanersoq. Aamma taama aalajangiisoqassaaq misiliineq qaangiutereersoq aatsaat imaluunniit akissutip nalilerneqarnerani peeqqusinissamut tunngavissaqarsorinarsippat.

*Imm. 3.* Soraarummeertoq misilitsinnermit peeqqusaaguni soraarummeerfiup ingerlanerani misilitsinnerni peqataaqquneqartussaajunnaassaaq, soraarummeerfullu nalaani misilitsinnerni karaktererisimasaq atorunnaassaaq.

## **Kapitali 6.**

### *Karakteriliineq*

§ 63. Atuartitsissutini misilitsiffiusuni kiisalu atuartitsissutini angusimasanut karakteriliiffiusuni 13-skala atorlugu karakteriliisoqartassaaq.

*Imm. 2.* 13-skala atorlugu makku karakteriliunneqartassapput:

- 1) 13 karakteriliunneqartassaaq namminersorluinnartumik pitsaalluinnartumillu suliaqarnermut.
- 2) 11 karakteriliunneqartassaaq pitsaasumik namminersortumillu suliaqarnermut.

- 3) 10 karakteriliunneqartassaaq pitsaasumik sungiussiinnarpasissumilli suliaqarnermut.
- 4) 9 karakteriliunneqartassaaq pitsaasumik, tassa akunnakusoortumit pitsaanerulaartumik, suliaqarnermut.
- 5) 8 karakteriliunneqartassaaq akunnakusoortumik suliaqarnermut.
- 6) 7 karakteriliunneqartassaaq naammaannartumik, tassa akunnakusoortumit ajornerulaartumik, suliaqarnermut.
- 7) 6karakteriliunneqartassaaq nalornisoortumik taamaattorli naammaginarsinnaasumik suliaqarnermut.
- 8) 5 karakteriliunneqartassaaq nalornisumik naammaginangitsumillu suliaqarnermut.
- 9) 03 karakteriliunneqartassaaq nalornisooqisumik, amigaqisumik naammaginangeqisumillu suliaqarnermut.
- 10) 00 karakteriliunneqartassaaq atorsinnaangilluinnartumik suliaqarnermut.

*Imm. 3.* Karakterit aalajangerneqartassapput nalileeqaataasumit soraarummeersitsisumillu. Taakku siullermik immikkoorlutik karakteriliissapput, nalileeqaataasup karakteriliussaa taaneqaqqaassalluni, kingornatigullu karakteriliussassavik isumaqatigiinniutigissallugu. Nalileeqaataasooq soraarummeersitsisorlu isumaqatigiissinnaangippata karakteriliussassaaq aalajangerneqartassaaq karakteriliussat taakku kateriarlugit agguaqatigiissitsinikkut. Kisitsit agguaqatigiissitsinerup inenera kisitsit 13-skalamiittut akornanniingippat nalileeqaataasullu karakteriliussaa anneruppat karakteriliunneqassaaq kisitsit angineq siulerisaa, nalileeqaataasulli karakteriliussaa minneruppat kisitsit minnerusooq tulleq.

*Imm. 4.* Karakteriliussassaaq karakterit arlallit katinnerisigut aalajangerneqassappat kisitsisillu katitat inernerat karakteriliussassaniingippat katitat inernerat taanna akunnaallineqassaaq karakterimut anginnermut qaninnerpaamut, tassunga qaninnerpaat imaluunniit karakterip anginerusup qaninnerpaap minnerusullu qaninnerusup akornanniippat. Taamaangippat kisitsit akunnaallineqassaaq karakterimut appasinnerulluni qaninnerusumut tullermut.

## **Kapitali 7.**

### *Angusissagaanni tunngavissat*

**§ 64.** Ilinniartitsisutut angusisinnaanermut piumasarineqarput:

- 1) karakterit tamarmik katinnerat karakterit amerlassusiisa 6-imik amerlisarneqarlutik inernerattut angissuseqassasooq imaluunniit annerussasooq,
- 2) atuartitsissutini annerusumik sammisani aammalu atuartitsissutini perorsaanermut tunngasuni kiisalu immikkut sammisani soraarummeernermi karakteri minnerpaamik 6-iussasooq,
- 3) atuartitsissutini allani tamani karakteri minnerpaamik 5-iussasooq, taamaattorli atuartitsissummi ataatsimi karakterigineqarsinnaavoq 03, aamma
- 4) atuartitsissut "akuerineqarpoq"-mik imaluunniit "akuerineqanngilaq"-mik nalinerneqartooq angusineruvoq.

*Imm. 2.* Atuartitsissutini neqeroorutaasuni karakterit, takuuk § 50, kiisalu § 47-mi imm. 1-imi nr. 2-mi aamma nr. 8-mi taaneqartut imm. 1-imi pineqanngillat.

## Kapitali 8.

### *Allattuiffiit aamma inaarutaasumik soraarummeernerup allagartaa*

§ 65. Rektori allattuiffinnik ingerlatsissaaq, tassungalu ilinniartut tamarmik allattorneqarfeqassapput. Allattorneqarfimmu allanneqartassapput ilinniartitsisunngorniartup inuttaa pillugu paasissutissat, atuartitsissutinik toqqartuisimanera, atsiukkat, peqataasinnaajunnaarsitsinerit nalunaarullu manna tunngavigalugu allaasunik iliuseqarnerit, misilitsinnermi karakterit aamma angusimasamik naliliineq, kiisalu pinngortitalerinnermi aamma mernguernartut 1-imi piffissap qiteqqunnerani naliliinerit soraarummeernermi karakterit aammalu angusaqarisimasat pillugit karakterit.

*Imm. 2.* Ilinniartitaanermut Pisortaqarfik allattuiffiit iluseqarnissat pillugu aalajangersaasinnaavoq.

§ 66. Ilinniartitsisunngorniartut ilinniartitsisutut soraarummeernermi angusimasat tamatumunnga uppersaammik tunineqassapput. Uppersaamat inummut ataatsimut tunngasunik oqaasertaqarpoq aammalu tamanut tunngasunik assigiinnik oqaasertaqarluni.

*Imm. 2.* Inummut ataatsimut tunngasunik oqaasertatigut ilisimatitsissutigineqassapput:

- 1) ilinniartitsisunngorniartup inuttaa pillugu paasissutissat aamma ulloq ilinniarnep naammassiffia,
- 2) suliamik misiliinnermi nalilerneqarneq,
- 3) atuartitsissutit annerusumik sammisassat suut aamma atuartitsissutit qinigassat suut ilinniartitsisunngorniartup sammisimanerai aammalu atuartitsissutini ataasiakkaani tamani naliliineq § 64 malillugu ilanngullugu naatsorsuutigineqartoq,
- 4) § 7 naapertorlugu atuartitsissutinut peqataasinnaajunnaarsimasinnaaneq,
- 5) tapertaasumik kursusernemi peqataaneq, ilinniartitsisunngorniartoq nalilerneqarsimappat "akuerineqarpoq"-mik, lektionit qassiuneri nalunaarlugit, aamma
- 6) atuartitsissutini neqeroorutigineqarsinnaasuni peqataaneq, ilinniartitsisunngorniartoq nalilerneqarsimappat "akuerineqarpoq"-mik, lektionit qassiuneri nalunaarlugit.

*Imm. 3.* Tamanut tunngasunik oqaasertani allassimassapput nalunaarummi matumani §§-ini 2-mi, 9-mi aamma 64-imi oqaasertat.

*Imm. 4.* Soraarummeersimanermut uppersaamat rektorimit suliarineqassaaq ilinniartitsisunngorniartup allattorneqarfigisimasaa najoqqutaralugu. Rektori uppersaamat atsiussavaa.

*Imm. 5.* Ilinniartup ilinniarnini naammassinagu ilinniarunnaartup qinnuteqarnini tunngavigalugu misilitsinnernut angusiffigisaminut suliamillu misiliinnerminut angusiffigisaminut kiisalu atuartitsissutinut angusaniknaliliinnermik naggaserneqartunut allagartat uppersaamatit pisinnaavai.

*Imm. 6.* Ilinniartitaanermut Pisortaqarfik inaarutaasumik soraarummeersimanerup allagartaata qa-noq isikkoqarnissaa pillugu maleruagassaliorsinnaavoq.

## Kapitali 9.

### *Atuutilerfia il.il.*

§ 67. Nalunaarut atulerpoq ulloq 1. august 2000.

*Imm. 2.* Tamatumunnga peqatigitillugu Kalaallit Nunaanni ilinniartitsisunngorniat sammisassat pillugit Namminersornerullutik Oqartussat nalunaarutaat nr. 38 ulloq 28. august 1990-imeersoq, ilinniartitsisussamik ilinniartitsisarneq katersuutsitaq eqqarsaatigalugu, kiisalu. Kalaallit Nunaanni

meeqqat atuarianni ilinniartitsisussat ilinniartitaasarnerat pillugu Namminersornerullutik  
Oqartussat nalunaarutaat nr. 36 ulloq 28. august 1990-imeersoq atorunnaarput.

*Namminersornerullutik Oqartussat, ulloq 31. juli 2000.*

Lise Lennert

/

Just Olsen